



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

5. Lessij exemplo dolores Christi, in doloribus morbi, ante oculos ponendi.

urn:nbn:de:hbz:466:1-45701

crebra ieiunia; nisi malis totam ipsius vitam meram in ediam appellare. Totos triginta annos, una estatione, per diem, eaq; pertenui vixit; extra eam nihil unquam potus accepit. In cubiculi sui pariete hanc epigraphem fixerat: AMOR MEVS CRVCIFIXVS EST. Et erat erga Christi Passionem teneritudine animi insigni: Vnde illi par studiū patiendis & in aduersis tolerantia tam robusta, ut ipse fateretur, se is, que patiebatur, malis parem haud futurum, nisi peculiari fuisset auxilio diuinitus adiutus, morte grauiora esse, & leuius illis fore incendium, quo vinctus conflagraret. Incredibilis illi dolor erat in vesica leuanda, & cogebatur, extremis temporibus plus centies diei noctuq; spatio ad eum cruciatum. Tormenti grauitatem, & animi simul aequitatem ex diuina voluntate perquam compositi votum eius in scheda repertum adumbrat. Sic habet: Beatissima Virgo, si dolores istos abstuleris, voueo, omnibus profestis tuis ieiunium in pane & aqua; Rosarium in profesto, & ipso die; Horas B. Virginis omnibus Sabbatis, nisi Superior, vel iusta causa obstiterit; & Festis Purificationis, Annuntiationis, Praesentationis, Assumptionis, Natiuitatis, Conceptionis. Non cupio auferri, nisi sit ad maiorem DEI gloriam, & meam salutē. Tenebor, simul atq; aliquo modo constiterit. Si error, vel obliuio interuenerit, licebit proximo Sabbato instaurare. Ingens DEI beneficium eas penas existimabat; quibus ferendis aliorum quoq; poscebat preces ad auxilium à DEO exorandum. Accusabat suam inertiam, quod sine gemitu eas ferre non posset; & subinde Ministrum rogabat, ut suam impatientiam (sic aiebat) castigaret, cum interim generosus eius animus omnibus esset admirationi. Unum illi solamen in malis erat, Christus crucifixus. Hæc summatim dicta ad patientiam & pietatem nos possunt erudire, in morbis exercendam.

Efficacissimum solatij genus est, & ad spiritus, inter morborum cruciatu, sumendos saluberrimum remedium, Lessij exemplo, sibi ante oculos ponere Crucifixum, & saepe cogitare, ac dicere: AMOR MEVS CRVCIFIXVS EST. Quis enim summū bonum non amet? id in cruce pependit. Quiuis igitur dicere potest: Amor meus crucifixus est. Quis se seruum vocare audeat illius Domini, qui cum esset summè potens, summè sapiens, infinitè beatus, vno verbo, Deus, tamen serui sui causa, exinaniuit semetipsum, & mortalis non tantum homo fieri, sed etiam

Ma. 23. 3.

formam serui suscipere, & cruciatibus se tantis obijcere voluit, ut eum Propheta *virum dolorum: & scientem infirmitatem* vocaret? Tamen enim eas infirmitates, quæ ex temperamenti & humorum dissonantia oriuntur, non habuerit, expertus est tamen dolores afflictionisque, quæ ex eis solent oriri. Qui ergo in lectulo decumbens cum morbis colluctatur, si Christum patientem aspicit, duo illum videt habuisse, quæ ille magnis Sanctis, quando illos vult probare, & in infirmitatibus vehementer exercere, solet dare. Vnum est, quod seipsum omni delectatione, & sensibili solatio, quod corpus fouet, carnemque roborat, penitus priuaret: alterum, quod acerbissimos in parte sentiente

Matth. 26. 28.

Marc. 14. 33.

Luc. 22. 43.

affectus excitaret, *tristitia, timoris, tædij, & agonie*. Consideratione autem dignissimum est, eum, cum in illius arbitrio esset, ut istiusmodi affectus magni vel parui forent, tamen sponte sua voluisse eos esse quàm vehementissimos; enimuero etiam diuturnos, aded ut toto passionis suæ tempore perdurarent, donec in cruce animam exhalaret. Ita Dominus, qui dolores suos, quandocumque voluisset, potuisset vbiq; & sub flagellis, & sub spinis, & sub clavis, mitigare, eos tamen vbiq; acuit & auxit, ut copiosa esset apud eum Redemptio. O AMOR AMORE DIGNVS!

VI.

Psal. 68. 1.

Quando igitur morbus, tamquam ignitus serpens, agrum mordet, & doloris acerbitas eò progreditur, ut Spiritum illius contristet, cogatque præ molestia, ingemiscere, atque in agonia constitutum dicere: *Saluum me fac, Deus, quoniam intrauerunt aqua usque ad animam meam*, timoribus, tædij, tristitiisque grauissimis oppressum; intueatur in auctorem fidei, & soletur se Domini sui arbitrario cruciatu, gratuleturque sibi; ob calicis puri haustum, sine solatij mixtura; animo secum reuoluens, etiam Saluatorem suum fel & acetum, ad exemplum remedijque nostrum, sine melle, gustauisse; atque hac ratione seruum Domini vestigia sequi existimet, eidemque se, cum ipso, cruci affixum esse arbitretur. Quare quoties eum aspicit in cruce pendentem, ac ipsum quoque in eadem secum cruce patientem, dicat: *Et nos quidem iniuste, nam digna factis recipimus: hic verò nihil mali gessit*, Quod si seriò dixerit, seque ad hæc, & plura toleranda

Luc. 23. 41.

da